

## OKVIRNI SPORAZUM

### Za nabavku roba – LOT 1 hljeb i ostali pekarski proizvodi

Zaključen između:

1. **Kantonalna javna ustanova Dom za djecu bez roditeljskog staranja** sa sjedištem u Sarajevu, Bjelave 52, koju zastupa direktor Saudin Đurđević / u daljem tekstu: **Naručila/**  
**i**
2. **“KLAS” d.d. Sarajevo** sa sjedištem u Sarajevu, ul. Paromlinska 43, kojeg zastupa direktor društva Rusmir Hrvić / u daljem tekstu: **Dobavljač /**

#### 1. UVOD

##### Član 1.

Na osnovu provedenog postupka javne nabavke roba – Lot 1 – **hljeb i ostali pekarski proizvodi** Ugovorni organ je Odlukom broj: 83-3/17 od 17.01.2017.godine odabrao ponudu Dobavljača broj 40/17 od 04.01.2017. godine kao najbolje ocjenjenu ponudu u skladu sa objavljenim kriterijem za donošenje odluke o odabiru i zahtjevima iz tenderske dokumentacije.

Ovaj Okvirni sporazum ne predstavlja obavezu Naručioca na realizaciju u bilo kojem obimu ili vrijednosti u odnosu na ugovorenu količinu.

#### 2. PREDMET I TRAJANJE OKVIRNOG SPORAZUMA

##### Član 2.

Predmet ovog Okvirnog sporazuma je regulisanje međusobnih kupoprodajnih odnosa za nabavku **hljeba i ostalih pekarskih proizvoda** za potrebe Naručioca, prema tenderskoj dokumentaciji i ponudi Dobavljača te uslovima utvrđenim tenderskom dokumentacijom i ovim Okvirnim sporazumom, u skladu sa potrebama Naručioca.

Ovaj Okvirni sporazum se sklapa **na period od 1 /jedne/ godine dana počevši od 01.02.2017. god. do 01.02.2018. godine** i predviđa sa ciljem realizacije isporuke roba tokom perioda ugovorenog ovim Okvirnim sporazumom.

U okviru zaključenog okvirnog sporazuma Ugovorne strane mogu zaključivati posebne ugovore o kupoprodaji ili isporuku predmeta nabavke vršiti po potrebi Naručioca, na osnovu dostavljene narudžbenice koja ima sve elemente ugovora, a u skladu sa uslovima definisanim ovim sporazumom.

#### 3. CIJENA

##### Član 3.

- Ukupna vrijednost ovog okvirnog sporazuma (bez PDV-a) iznosi :  
5.722,20 KM,
- Popust iznosi:     -%,
- PDV (17%) iznosi: 972,77 KM,
- Ukupna vrijednost/cijena okvirnog sporazuma (sa PDV-om) i uključenim popustom iznosi: 6.694,97 KM,

Cijene su fiksne i ne mogu se mijenjati za vrijeme važenja okvirnog sporazuma.

Paraf za dobavljača: Saudin Đurđević  
Paraf za naručioca:     

*Semirada Tabić*

#### 4. USLOVI PROVEDBE OKVIRNOG SPORAZUMA

##### Član 4.

Cijene za svaku nabavku moraju odgovarati cijenama istaknutim u ponudi Ponuđača iz člana 1. stav 1. ovog Okvirnog sporazuma i moraju biti nepromjenjive.

##### Član 5.

Dobavljač se obavezuje da će početi sa isporukom odmah po sklapanju ovog Okvirnog sporazuma na zahtjev Naručioca.

Isporuka roba će se vršiti sukcesivno /dnevno, sedmično ili mjesečno/ prema zahtjevima i potrebama Naručioca u roku od 24 sata od dana ispostavljanja narudžbenice.

Mjesto isporuke roba je sjedište Naručioca ul. Bjelave broj 52. Općina Centar – Sarajevo.

##### Član 6.

Naručilac će vršiti plaćanje na osnovu ispostavljenih faktura Ponuđača.

Naručilac će izvršiti plaćanje fakture iz stava 1. ovog člana u roku od 60 / šezdeset/ dana od dana dostavljanja ispravne fakture.

Dobavljač je saglasan da Naručiocu neće zaručnavati zatezne kamate za zakašnjenje pri plaćanju po sistemu trezorskog sistema plaćanja Ministarstva finansija Kantona Sarajevo, ako je naručilac u ugovorenom roku predao nalog za plaćanje.

##### Član 7.

Pri sklapanju ugovora o javnoj nabavci ugovorne strane ne smiju mijenjati bitne uslove ovog Okvirnog sporazuma.

#### 5. OBAVEZE I ODGOVORNOST DOBAVLJAČA

##### Član 8.

Dobavljač se obavezuje izvršavati isporuke roba savjesno i odgovorno, na način određen ovim Okvirnim sporazumom sa pažnjom dobrog privrednika.

Dobavljač se obavezuje da će ugovorene robe isporučiti u skladu sa tenderskom dokumentacijom i prihvaćenom ponudom, te važećim pravilima i standardima za predmetnu nabavku.

Dobavljač se obavezuje čuvati sve podatke i materijale dobivene po osnovu ovog Sporazuma i neće ih otkrivati i davati na upotrebu trećim licima.


#### 6. OBAVEZE NARUČIOCA


##### Član 9.

Naručilac se obavezuje saradivati sa Dobavljačem tokom izvršenja isporuka roba i povremeno ga informisati o relevantnim činjenicama koje bi mogle utjecati na izvršenje ugovora.


Naručilac se obavezuje Dobavljaču platiti ugovorenu cijenu za izvršenje isporuke roba na ugovoreni način i u ugovorenom roku.

U slučaju eventualnih propusta Dobavljača u izvršavanju isporuke roba, Naručilac se obavezuje odmah po uočavanju propusta dati Dobavljaču prigovor u pisanoj formi.

Paraf za dobavljača: 

Paraf za naručioca: 

Seraida Pbić



## 7. RASKID OKVIRNOG SPORAZUMA

### Član 10.

U slučaju da Dobavljač ne bude ispunjavao ili ukoliko ne bude u mogućnosti ispunjavati preuzete obaveze iz ovog Okvirnog sporazuma i uslova ponude ili učini povredu odredbi ovog Okvirnog sporazuma, Naručilac ima pravo jednostranog raskida ovog Okvirnog sporazuma uz pisano obavještenje.

## 8. RJEŠAVANJE SPOROVA

### Član 11.

Sporovi koji eventualno nastanu iz ovog Okvirnog sporazuma, rješavat će se u prvom redu međusobnim sporazumom ugovornih strana, a ukoliko se ne mogu riješiti mirnim putem, oštećena strana može ostvariti svoja prava pred nadležnim sudom u Sarajevu.

Za sve odnose i institute koji nisu utvrđeni ovim Ugovorom, a proisteknu iz njegove realizacije primjenjivat će se odgovarajuća odredba Zakona o obligacionim odnosima.

## 9. SASTAVNI DIJELOVI OKVIRNOG SPORAZUMA

### Član 12.

Sastavni dijelovi Okvirnog sporazuma su :

- Ponuda Dobavljača broj: 40/17 od 04.01.2017. godine

## 10. STUPANJE NA SNAGU I PRIMJENA OKVIRNOG SPORAZUMA

### Član 13.

Ovaj Okvirni sporazum stupa na snagu danom obostranog potpisivanja, a primjenjivat će se u periodu 01.02.2017. god. do 01.02.2018.godine.

### Član 14.

Okvirni sporazum je sastavljen u 4 /četiri/ istovjetna primjerka, od kojih se ugovornim stranama uručuju po 2 /dva/ primjerka.

### NARUČILAC:

Kantonalna javna ustanova  
Dom za djecu bez roditeljskog staranja

  
Saudin Đurđević, direktor

Broj: 21/17  
Datum: 30.01.2017.



### DOBAVLJAČ:


„KLAS” d.d. Sarajevo




Direktor

Broj: 357/17  
Datum: 31.01.2017



Paraf za dobavljača: 

Paraf za naručioca: 

Senada Tobić

